



Došao je neki beduin Allahovom Poslaniku, sallallahu alejhi ve sellem, i rekao: "Zaklinjem te Allahom da presudiš između nas po Allahovoj Knjizi." Rekao je njegov parničar, a bio je od njega razumniji: "Da, presudi nam po Allahovoj Knjizi, i dozvoli mi da govorim." Poslanik, sallallahu alejhi ve sellem, mu je dozvolio, a on je rekao: "Moj sin je bio kod ovog (beduina) nadničar i učinio je blud sa njegovom ženom. Rečeno mi je da je kazna za mog sina kamenovanje pa sam ga ja otkupio od te kazne za stotinu ovaca i djevojčicom robinjom. Kasnije sam pitao učene, pa su mi rekli da je kazna za mog sina trebala biti stotinu udaraca bičem i progon (iz njegovog mjesta) godinu dana, a da je kazna za ženu s kojom je počinio blud kamenovanje." Allahov Poslanik, sallallahu alejhi ve sellem, je rekao: "Tako mi Onoga u Čijoj ruci je moja duša presudit ću vam po Allahovoj Knjizi. Robinja i stado se vraćaju tebi, a kazna tvom sinu je stotinu udaraca bičem i izgnanstvo godinu dana." Zatim je rekao Unejsu, čovjeku iz plemena Eslem: "Sutra porani do te žene, pa ako prizna blud kamenuj je." Pa je poranio Unejs sutradan, i ona je priznala blud, te je kamenovana kako je i naredio Allahov Poslanik, sallallahu alejhi ve

sellem.

Od Ebu Hurejre, i Zejda b. Halid El-Džuheniya, radijallahu 'anhuma, se prenosi da su rekli: "Neki beduin je došao Allahovom Poslaniku, sallallahu alejhi ve sellem, i rekao: 'Zaklinjem te Allahom da presudiš između nas po Allahovoj Knjizi.' Rekao je njegov parničar, a bio je od njega razumniji: 'Da, presudi nam po Allahovoj Knjizi, i dozvoli mi da govorim.' Poslanik, sallallahu alejhi ve sellem, mu je dozvolio, a on je rekao: 'Moj sin je bio kod ovog (beduina) nadničar i učinio je blud sa njegovom ženom. Rečeno mi je da je kazna za mog sina kamenovanje pa sam ga ja otkupio od te kazne za stotinu ovaca i djevojčicom robinjom. Kasnije sam pitao učene, pa su mi rekli da je kazna za mog sina trebala biti stotinu udaraca bičem i progon (iz njegovog mjesta) godinu dana, a da je kazna za ženu s kojom je počinio blud kamenovanje.' Allahov Poslanik, sallallahu alejhi ve sellem, je rekao: 'Tako mi Onoga u Čijoj ruci je moja duša presudit ću vam po Allahovoj Knjizi. Robinja i stado se vraćaju tebi, a kazna tvom sinu je stotinu udaraca bičem i izgnanstvo godinu dana.' Zatim je rekao Unejsu, čovjeku iz plemena Eslem: 'Sutra porani do te žene, pa ako prizna blud kamenuj je.' Pa je poranio Unejs sutradan, i ona je priznala blud, te je kamenovana kako je i naredio Allahov Poslanik, sallallahu alejhi ve sellem."

[Vjerodostojan] [Muttefekun alejh]

Iz ovog hadisa vidimo da je jedan čovjek bio nadničar kod drugog i počinio blud sa njegovom ženom. Njegov otac je čuo da svako ko počini blud biva kažnjen kamenovanjem pa je dao otkupninu od stotinu ovaca i jedne robinje za svog sina čovjeku sa čijom je ženom njegov sin počinio blud. Nakon toga je upitao neke učene ljude o tom postupku pa su mu rekli da njegov sin nije ni trebao biti kamenovan, nego da je njegova kazna stotinu udaraca bičem i izgon iz njegovog mjesta godinu dana. Otišli su zajedno kod Allahovog Poslanika, sallallahu alejhi ve sellem, otac ovog bludnika i muž bludnice, da im presudi po Allahovoj knjizi. Allahov Poslanik, sallallahu alejhi ve sellem, je ocu bludnika vratio ovce i robinju i kazao da je kazna njegov sinu stotinu udaraca bičem i izgon godinu dana, zbog toga što je on mladić koji nije oženjen. Potom je naredio da se zatraži od bludnice da prizna i potvrdi svoj grijeh, pa kada je to učinila kamenovana je zbog toga što je ona bila udata.

<https://sunnah.global/hadeeth/bs/show/6760>

النجاة الخيرية
ALNAJAT CHARITY

